

浙江圖書館叢書 第二集

浙江圖書館藏書

浙江圖書館叢書第二集

元經世大典圖

地理攷證

中華民國四

年浙江圖書

館校刊

元經世大典圖地理攷證凡例

一元史虞集傳文宗時奉命脩經世大典書成上之凡八百帙今原書已亡僅遺此圖於永樂大典中道光季年益陽魏默深先生源始錄出附刊於六十卷本海國圖志圖中所列皆西域三汗國封內地也

一明脩元史大典全書其時尙存地理志末有西北地附錄卽以此圖爲本近洪侍郎鈞著附錄釋地極爲精審然細覈之外戾仍不能免況又有原圖之誤魏氏增入之誤故不揣鄙陋別成攷證一書

一原圖之誤二測繪之例南北當有定位不容倒置矧列四方於四隅尤爲諸圖所無詳查各地仍當歸還原向始合

一誤也。塔里干途思二地，史載甚詳，茲乃東西互易，想作此圖時，先成方格，後以地名簽之，適有二簽脫落，再黏，遂致錯簡二誤也。

一魏氏之誤。五魏氏傳刻此圖，俾行於世，不爲無功，但所加葱嶺虛線與山脈原形絕不相合，致西面之地闌入於東，誤一。又加小橫畫三，似以分畏兀兒等部舊界，然可失哈耳諸城元以前均屬西遼所分之界，無着且僅加二處，亦太挂漏，誤二。不賽因封地下注云：卽駙馬賽馬爾罕之祖。此蓋指明史賽馬爾罕王帖木兒，豈知帖木兒並非不賽因後裔，誤三。圖中忽炭在可失哈耳東南，卽元史斡端今之和闐，魏氏不知譯音之轉，別加于闐於其東，誤四。察赤

者卽唐石國今稱塔什干魏氏未識塔什干所在漫云塔里失卽塔什干而塔里失之名亦本圖所無誤五

塔里失失字當

是傳寫之訛

一洪氏所釋間有誤處已詳辨於各條中

一輿圖之學近始極精國初時西人所刻如艾儒畧萬國圖湯若望地球圖南懷仁坤輿圖其簡陋粗疏與中國古圖無異此圖之不合法固無足怪惟作地圖不照圓球之體分畫線度相距稍遠必不能免牴牾故卷首於原圖外別繪新法一圖使閱者便於對校

一三汗國源流洪氏本有世系攷附元史證補後惜其稿已佚余重爲鈎稽僅得大畧所望拉施特所著蒙古全史譯

出刊行庶乎昭析無疑

一原圖地名次序難定姑照西北地附錄書之

一元地理志體例凡行中書省頂格書路府直隸州低一格
西北地附錄如畏兀兒阿羅思等頂格書以舊本國名也
八吉打孫丹尼牙等頂格書以舊本建都地也八哈刺因
怯失等頂格書以舊本大商埠也故均用省例餘則均用
路府直隸州例徐松氏不識此意於西域水道記中嘗引
此錄云畏兀兒地第二十九曰阿力麻里又云畏兀兒地
第三十六曰彰八里一似哥疾寧下三十六地名原隸畏
兀兒也者殊屬誤會

一原圖有三汗國界外各地名又西北地附錄與此對校有

溢出地名茲皆攷證而附於後

一各條攷證中所謂西圖卽輿圖公會所刻九十幅本頭批地圖所謂官本圖卽大學堂審定六十八幅本外地圖也

元經世大典圖地理攷證卷一

仁和丁謙益甫氏著

篤來帖木兒所封地

此卽西史所謂察合台汗國也。察合台元太祖次子。封於今新疆及俄屬中亞細亞各地。爲元代西域三汗國之一。篤來帖木兒。洪侍郎鈞西北地附錄釋地原註云。察合台五世孫。詳察合台世系攷。然察合台世系攷。洪氏原稿已佚。今惟檢核諸書。得其大畧如下。查察合台長子。謨阿圖。堪征西域時。中箭陣亡。察合台薨。謨阿圖堪子。合刺旭烈。監國。定宗以傳孫不傳子爲非。命也速蒙哥嗣位。也速蒙哥卒。其妃倭魯干立。合刺旭烈子。謨拔來克沙。按洪氏海都補傳至

元三年察合台孫阿魯忽薨其妃倭耳干納立謨拔
來克沙似謨拔來克沙上當補入阿魯忽侯再詳攷世祖
踐阼廢之而立八刺八刺察合台曾孫也八刺卒察合台
孫尼克伯嗣以攻海都陣亡察合台四世孫托喀帖木耳
嗣旋卒八刺子篤哇嗣篤哇卒寬閣嗣未二年卒族叔達
里括嗣篤哇幼子葛貝克殺之至元二年其立篤哇次子
也先不花卒篤來帖木兒嗣此後無攷

途魯吉

途魯吉爲土耳其轉音魏周隋唐諸史所謂突厥者是也突厥
盛時疆域極廣東自遼海西至裏海橫亘萬餘里皆歸統轄故
今俄人尙稱中亞細亞地爲土耳其斯單又稱中國新疆地爲
東土耳其斯單然突厥自爲唐破部落星散由宋迨元史中均

不之及。雖西史紀其數族侵入波斯。稱雄一時。然至元興並已
衰滅。而此圖乃列遼魯吉部於倭赤之西。可失哈耳之北。診其
地望。蓋在大那林河流域一帶。實今布魯特諸部游牧處。布魯
特爲我屬邦。但其種姓部族。絕無人知。余謂布魯特者。唐西突
厥十姓可汗之遺裔也。攷唐書寧遠傳。寧遠者本拔汗那。或曰
纒汗。元魏時謂破洛那。其王自魏晉相承不絕。貞觀中其王契
苾爲西突厥莫賀咄所殺。後西突厥拔汗那遂分治其地。此大
那林河流域爲突厥據有之證。終以境地偏僻。強鄰均不之顧。
得休養生息於其間。蒙古與突厥人同爲北方種族。當時必確
知此部爲突厥遺裔。故特列其名於圖。

柯耳魯地

柯耳魯元史作哈刺魯又作匣刺魯祕史作合兒魯西書或稱喀耳魯克或稱喀洛拉實卽唐書之葛邏祿也輟耕錄載色目三十一種分哈刺魯苦里魯匣刺魯爲三以不識譯音無定字故耳柯耳魯爲部族之名非地名圖故加一地字與畏兀兒同例今哈薩克東部及塔爾巴哈台皆其轄境自元太祖時部主阿而思蘭歸附後嗣爲太宗分地憲宗二年遷海都於海押立卽其部西境海都旋據之以叛海押立在巴勒喀什泊南俄人所謂濶跋爾城是也南距伊犁六百五十里朔方備乘謂海都封地在金山西北俄悉畢里地實臆度之詞

畏兀兒地

畏兀兒先爲鐵勒之一部稱爲袁紇新唐書言袁紇者亦曰烏

護曰烏紇。至隋曰韋紇。唐爲回紇。又爲回鶻。蓋北音無入聲。紇也。護也。鶻也。輕讀之則成兀。而烏與韋與回亦皆一音之轉。故他書或作畏兀。或作委兀。或作畏午。無一定字也。惟論者言遼史始有回回之名。與回鶻並列。而元史則回回回鶻。彼此互稱。則殊誤。蓋遼元二史所謂回鶻者。專指居高昌故地一部而言。所謂回回者。則葱嶺以西。凡入謨罕。默特。教諸國之統稱也。葱嶺以西諸國。所以統稱回回。余別有辨。附西游記攷證後。按唐回鶻自開成間。爲黠戛斯所破。部眾分散。居高昌故地者。特其一小枝耳。國弱勢孤。初附西遼。元太祖興。首先歸命。得保舊域。太祖末年。分蒙古國爲四。畏兀兒隸察合台。今自梧桐窩台。西至吐魯番。再西至托克遜台。又由吐魯番。以至烏魯木齊。再西

至精河城皆其國境也。

哥疾寧

哥疾寧卽瀛寰志畧哈斯那四裔年表作開司尼西域補傳作
嘎自尼西圖作喀斯那在今阿富汗國都喀布爾南三百餘里
佛國記有羅彝國英人恭寧翰攷謂卽元英西域記之漕矩吒
新唐書謝朏本曰漕矩吒或曰漕矩顯慶時稱訶達羅支王居
鶴悉那亦治阿娑你城鶴悉那卽哈斯那阿娑你在其西南山
麓間西圖作阿撒尼是哥疾寧晉時爲羅彝國唐時爲漕矩吒
國至宋初突厥人阿伯特眞據開司尼立國越四十三年滅波
斯色蠻尼朝而代之又屢侵印度色爾諸格朝立乃亡有郭耳
種人者初散居本境大雪山內至是據地立國兼王北印度迨

太祖西征郭耳本國已爲貨勒自彌所併獨前王婿某居馱薩爾堡恃險得存此時率先款服憲宗二年封其子射姆斯哀丁爲海拉脫王盡有今阿富汗部地旭烈兀旣開藩波斯郭耳爲其附庸享國百餘年明初帖木兒興國始滅元祕史所稱阿魯種印度史所稱哥爾朝西使記所稱兀林國皆郭耳之轉音也圖當列此城於何不里南

何不里

西北地附錄作可不里爲今阿富汗國都喀布爾城此城最古希臘史載亞歷山德王旣建城於坎達哈復北進興都古施山麓建一新城於加普拉近地加普拉卽喀布爾漢時爲大夏所屬高附地唐爲迦畢試國見元奘西域記新唐書失載疏矣自